

## NAMJEŠTENICIMA VII PLATNOG RAZREDA OD 01.07.2019.GODINE OBRAČUN PLAĆA U SKLADU SA ČLANOM 6. ZAKONA O PLAĆAMA I NAKNADAMA U ORGANIMA VLASTI KANTONA SARAJEVO

Dana 10.07.2019.godine održan je sastanak Ministra finansija Kantona Sarajevo i njegovih saradnika sa predstavnicima Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Sindikat).

Na sastanku je dogovoreno da će Ministarstvo finansija Kantona Sarajevo počev od 01.07.2019.godine namještenicima, koji su razvrstani u VII platni razred - pomoćni radnik i nekvalifikovani radnik, kao i ovoj kategoriji zaposlenika u javnim ustanovama socijalne zaštite i obrazovanja, obračun plaća vršiti u skladu sa članom 6. Zakona o plaćama i naknadama u organima vlasti Kantona Sarajevo, članom 5. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo i odredbama kolektivnih ugovora za djelatnost obrazovanja, o čemu će Vlada Kantona Sarajevo donijeti poseban zaključak.

Naime, ovaj Sindikat se dana 12.02.2019.godine, dana 15.03.2019.godine, dana 10.05.2019.godine i dana 26.06.2019.godine, obratio premijeru Kantona Sarajevo, ministrici pravde i uprave Kantona Sarajevo i ministru finansija Kantona Sarajevo, sa zahtjevom da se obračun plaća namještenicima VII platnog razreda počne vršiti na način propisan naprijed navedenim zakonskim propisima i kolektivnim ugovorima.

Resorni ministri su iskazali spremnost i razumjevanje za zahtjev ovog Sindikata i Izmjenama i dopunama Budžeta Kantona Sarajevo za 2019.godinu, obezbjeđena su potrebna sredstva za ove namjene u iznosu od cca 900.000,00 KM, kako bi se od 01.07.2019.godine vršio obračun plaća za ovu kategoriju zaposlenih kod svih budžetskih korisnika, na način kako je to ovaj Sindikat i zahtjevao.

Dakle, imajući u vidu da je članom 6. stav (3) Zakona o plaćama i naknadama u organima vlasti Kantona Sarajevo i odredbom člana 5.stav (3) Zakona o plaćama i naknadama u javnim ustanovama iz oblasti socijalne zaštite u Kantonu Sarajevo, propisano da **osnovna plaća** ne može biti manja od 70% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku, za ovu kategoriju namještenika, sve dok je njihova osnovna plaća ( $315 \text{ osnovica} \times \text{koeficijent } 1,85 = 582,75$ ), manja od 70 % prosječne neto plaće isplaćene u Federaciji Bosne i Hercegovine ( $70\% \text{ od } 912,00 \text{ KM} = 638,40 \text{ KM}$ ), obračun će se vršiti na način da se uvećanje plaće po osnovu staža osiguranja, prekovremeni rad, rad u dane praznika i sl., obračunava na iznos od 70 % prosječne neto plaće isplaćene u F BiH, to jest na iznos od 638,40 KM, jer je to iznos osnovne plaće, a ne na iznos od 582,75 KM, kako je do sada vršen obračun.